



APAKAH ERTI

Kejayaan

ANDA?

Sepanjang 11 bulan yang lalu, kita telah belajar banyak perkara tentang wang dan cara untuk membuat keputusan kewangan yang bijak. Ia bukan hanya tentang membuat belanjawan dan simpanan; malah tentang cara-cara untuk menatap dan matlamat kewangan.

Pada masa kini, kejayaan sering diukur dengan pencapaian dan apa yang kita miliki. Wang boleh digunakan untuk membeli barangan yang membuat kita gembira, seperti tinggal di rumah yang selesa atau belajar di luar negara. Namun, hanya dengan memiliki wang, ia tidak menjamin kehidupan yang berjaya.

Kita semua mempunyai matlamat yang berbeza; sama ada mendapat keputusan peperiksaan yang cemerlang atau memenangi acara sukan. Kunci utama untuk mencapai matlamat adalah dengan membuat langkah-langkah kecil setiap hari.

BERIKUT MERUPAKAN BEBERAPA LANGKAH UNTUK MENCAPAI MATLAMAT HIDUP ANDA:

1 SENARAIKAN MATLAMAT ANDA
Senaraikan rancangan anda dan bila anda akan melakukannya, dan pastikan anda meletakkan rancangan tersebut di tempat yang anda boleh lihat setiap hari.

2 BAHAGIKAN

Impian yang besar mungkin akan menakutkan anda, tetapi apabila anda bahagikan cara-cara untuk mencapai impian tersebut dengan langkah-langkah kecil, ia menjadi lebih mudah. Sebagai contoh, sekiranya anda ingin menjadi seorang pelukis yang hebat, mula dengan membuat latihan melukis setiap hari.

3 SEMAK PERKEMBANGAN ANDA

Jejaki perkembangan anda dan buat penyesuaian jika perlu. Jika tindakan yang anda ambil tidak membantu anda untuk mencapai matlamat, buat perubahan yang bersesuaian.

Sentiasa ingat, erti kejayaan adalah amat berbeza untuk setiap orang. Percaya kepada diri sendiri, ikuti impian anda dengan penuh semangat dan kekal berfikir positif. Biar pun perjalanan yang anda ambil mungkin sukar, namun dengan kesabaran anda akan dapat mencapai kejayaan. Berpegang kuat kepada matlamat anda dan anda akan menuju ke arah masa depan yang cerah.